

Nwa' wvu Jɛm

Fiɛɛ fɪ nu ê Nwa' Jɛm wvun e

Nwa' wvun to san Jɛm fô bonyii bo Nyo' le bocii bô to nu ε tawse won e tfuu. Nwa' Jɛm wvun nyaa bontefe nteen no è nulo é wee Klistu eceè ê bonyii ente. Fiɛɛ fɪ wee wvù san nwa' wvun baay leeme yî dvú le nu ε wee Klistu egeè mwɛɛm ε è nu mvù dunçi le wvù nu ε lese fitele yi Nyo' le.

Bikuu bi mwɛɛm e ê nwa' wvun e

1:1 Kenkewcɛ

1:2-8 Keelese fitele yî Nyo' le bô bvufee bvù nɛn'yi fô Nyo' le

1:9-11 Kefufe bô kpaw

1:12-18 Mmom bô mwɛɛm mvù teeyi bonyii

1:19-27 Keeyuuke gee

2:1-13 Fo wee eduñçi kejɛy jɛy

2:14-26 Keelese fitele yî Nyo' le bô gee di lɛn

3:1-18 Wee Klistu bô leme diew

4:1–5:6 Wee Klistu bô won wvun

5:7-20 Bontefe jɛy jɛy

¹ Nwa' wvun san me wvù Jɛm, waa lemme Nyo' bô Tata Jisos Klistu. Me nsan fô dikfuu di bonyii bo Nyo' le di yuufe ncow difɛɛ di nu ε tawse won e tfuu. Me nɔayte ben e. *

1:1 Mat 13:55; Lem 12:17; 15:13; 21:18; 1Kol 15:7; Gal 1:19; 2:9; 1Bi 1:1 * **1:1** Dikfuu di bonyii bo Nyo' le nu Bojuu bô nu ε lese fitele yî Jisos Klistu le, ε bó ε tawse ε no cee bitum bimew e.

Keelese fitele yî Nyo' le noo keefeefene

² Boom bo bwεem e, é mmom too fô ben e jé le jé le, é ben jo le è nu bvujonke. ³ Me njemyi nonen njefo no ben fele ê mmom ente, leese ke fitele yî Nyo' le, nu ε yî nu ege é ben ekee keekuu shém ntay. ⁴ Ben ekuulè ke shém nonen egen emese, wvu le ben enu bonyii bò nu ε taw ε kocen, yaa tane fiεε yî yene le ke.

⁵ E wee mvu ben e tane bvufee keekiεε fiεε fî Nyo' gomte, é wvú lεke ε è nu ê Nyo' é wvú enya. Nyo' nu wvù nyaa ê wee tfuu bô fitele ficii yaa waale wee ke. ⁶ Geenεn, wee edioo elεke no leeme ke bô Nyo' fitele fimwaan, yaa manene ke. Ben ekeè le wee wvù manene nu diεwe joo yi baay yî fwefwe bvuyte ε yî shεenke bii jò wvú gene. ⁷ Fo wee diεwe wvuwe le ekpwaakè le wen nu ke elεke fiεε ê Nyo' ekenke ke. ⁸ Wvuwe wee nu wvù kenke mvuntelem mvunfεem, tuwtene lo yî fiεε ficii fî wvú gee le.

Bonyii bo kefufe le bô bo kpawaw e

⁹ Wee mbee wvù fuute eyuukè njon le Nyo' nu ε bense wase wvú, ¹⁰ é wee kpawaw eyuukè njon le bó nu ε shike wase wvú, njefo wvú nu ke egen ecine kpawaw we le ke lenlen no fow ké looke yî εgay e ke ne yeε. ¹¹ No diuu ké sane dioo baa ton'yi ε εgay yowlen, ε fow wvù yî dvú le yeε, ε bvujonke bwew ka, nu ke lenlen no wee wvù ghane kunene kpawaw we nu ke egen.

Mmom bô mwεem mvù teeyi bonyii

¹² Njon wvu baay nu wvu wee wvù kuule shém

1:2 Lum 5:3-5; 1Bi 1:6-7 **1:5** Bnɔn 2:6 **1:6** 5:13; Mat 7:7; 21:21-22; Efe 4:14 **1:9** 2:5 **1:10** Job 14:2; Mben 90:5-6; Yesa 40:6-8 **1:10** 5:1 **1:12** 5:11; 1Kol 9:24-25

seke mmom ε to fô wvú le, njefo è nu seke wvú ε leem ε tεme, é wvú ke ekeηke kefo ke bvunfon e kè è nu nshii wvù mεy lo kè Nyo' nu ε kaw wee tfuu wvù koonke wvú dvú. ¹³ Fo fιεε ké dioo teeyi wee le wvú ege kebefε, ε wvú no duù le è teeyi Nyo' wen ke, njefo ke è nulo é fιεε etele Nyo' le wvú ege kebefε ke. E ke Nyo' ké no teeyi fiew wee ke. ¹⁴ Fιεε fi ké tele wee nonεn, nu mwεεm mvù befe mvù wvú keηke shiee yí dvú le, é mvù dioo ε lewce wvú mum wow, ¹⁵ é shiee wvun ké tεme, mum to bô kebefε, é kebefε ké dioo ε ku ε kocεn, to bô kpwe.

¹⁶ Boom bo bwεεm e bò nu shém yεm, fo ben elεelè bikuu binεn ke. ¹⁷ Mwεεm mvunciim mvù jee nu leη, mvù beene keηke nen'yi ε è nu fowe fô Nyo' le. E nu wvú Cee Mbom mwεεm mvunciim mvu fowe mvù nyaa n'yu. Ke Nyo' kumene diεwe kenjinjin e kè ké no kumene mondvuum ke. ¹⁸ E nu wvú wvù to cawεε beene nya beene bô diεw yí nu keceεy ε yí nya nshii wvu fwε è beene, wvu le beene enù fιεε fi fwe fi wvú to balεε le è nu naa fiew εnte jo mwεεm mvunciim mvù wvú to bomεε.

Keeyuuke diεw Nyo' gee no yí gomte

¹⁹ Boom bo bwεεm e bò nu shém yεm, ben ekiεε le wee tfuu keηke keenu cekey keenya bitem yí fιεε le, joò wεε bô njeme, joò wεε bô shém yí ton'yεεn, ²⁰ njefo ke wee wvù ton'yi shém nulo ege fιεε fi teyey fi Nyo' shieele ke. ²¹ Fí ε no nu le, ben ecine nce nnyεn e noo kenje kè tεmyi le, eshike bikuu binεn, efiisen diεw Nyo' yí Nyo' nu ε lese fô

1:13 Bηgn 19:3; 1Kol 10:13 **1:14** Lum 6:19-21; 7:7-10; 1Jon 2:16-17 **1:17** Kenj 1:14-18; Mat 7:11 **1:18** Jon 1:13; Lum 8:19-23; 1Bi 1:23 **1:19** 3:2; Bηgn 15:1; Ekle 7:8-9 **1:21** Kolo 3:8; 1Bi 2:1

mvuntelem mvunen e. Diaw yin nu yì nulo eboyse ben.

²² Fo ben elɛlè bikuu binen keeyuuke kɛ lo diaw Nyo' maan kɛ. Ben egeè no yí gayte. ²³ Wee wvù yuuke kɛ lo diaw Nyo' yaa gee no yí gayte, nu diawɛ wee wvù nu ɛ taa bvushiw bwew ê kenlɛy e, ²⁴ no wvù tale nonen, ɛ base jim ɛ mum ɛ kase ɛ daayɛ no nfiɛɛɛn ye nu. ²⁵ Geenɛn, wee wvù looci taale ê nci wvù taashi bonci bocii bvuu bvuuuse bonyii bvunfaw e, leeme yî dvù le sekeci, yaa daayi fiɛ fi wvù yuuke ɛ wvù jemyi, gee no wvù gayte, nu ɛ Nyo' nu ke elan kembonɛn yî fiɛ ficii fi wvù gee le.

²⁶ Ɛ wee teɲɛ ɛkolɛ kew le wen looci nu wee mbee, ɛ fanɛ yaa ejici leme diaw e, tu wvù lɛle ɛkolɛ kew, ɛ fiɛ fi wvù teɲɛ ɛkolɛ kew le wen nu wee mbee nu ɛcici. ²⁷ Mbee wvù Nyo' Icee wesebeene yene ɛ è nu wvu lɛɲ bvuu yuule ê wvù ɛjise, nu wvu wee wvù taale fô boom bo bonkfu le noo fô bokɛ' bo bonkfu le seke bó nu yî ɲɛw e. Ɛ è bvuu nu tɛn wvù kemsene bô ɛkolɛ kew fo mwɛɛm mvu yî nshɛ le fɛn elom wvù.

2

Fo ben edunɔ̀ kejɛy jɛy kɛ

¹ Boom bo bwɛɛm e, no ben nu ɛ lese wase fitele yî Tata wesebeene wvù Jisos Klistu wvù nu Tata bvukukɛ le, fo ben edunɔ̀ kejɛy jɛy kɛ. ² Me

1:22 2:17; Mat 7:24, 26; Lum 2:13 **1:25** 2:12, 24; Mben 19:7; Jon 13:17; Lum 8:2; Gal 6:2 **1:26** 3:2, 10; Mben 34:13; 141:3 **1:27** Mben 10:14, 18; Yɛsa 1:17; Mat 25:35-36 **2:1** 2:1-9; Dito 1:17; 10:17; 16:19; 2; Job 34:19; Mben 82:2; Bɲgn 24:23; Mat 5:45; Lem 10:34; Lum 2:11; 10:12; Gal 2:6; Ɛfɛ 6:9; Kolo 3:25; 1Bi 1:17

njemyi nonen njefo è nulo é bonyii bofεε enε eley yew yene nshii le, ε wvumvu ε jise ndvú ε yí jee, ε lese mvuncaw ε bó ε kene bô ketwaa ke bigew e kè yεεle, ε wvumvu wee nu fiew wee kefufe, ε wvú ε jise ndvú ε yí ε sawyε. ³ Ben ε nε ε gay ê wee kefufe le, “Leem fofe,” kεnεε le, “To eshii fokuse fεn nshe le,” ε mum ε nya bvufee ε è nu yí wee wvù sufe ye wε le, ε gay ê wvú le, “Kε to eshii fεn wee wvu baay.” ⁴ E ben nε ε ge nonen, kε tu ben nu ε tu wase bonyii bò sumtene bonsaw bô mvuntelem mvù yiile? Kε fifin yen'yi le ben dunji kejεy jεy ê ben entelen e?

⁵ Boom bo bwεem e bò nu shém yem, ben eyekε eyuw, kε è nu bonyii bo kefufe le bo fokuse fεn bò Nyo' nu ε caw le bó elooci kεnke mbee wvù nu ε yinεen e? E kε è bvuu nu bó bò Nyo' nu ke enya bó bô bvudvuu ente jo bvunfon bwew bvù wvú to kawεε wee tfuu wvù koonke wvú dvú le? ⁶ Geenεn, ben nen'yi finen kaa no shoose lo wee kefufe ê yiye je le, yene ε è nu wee kpwaw e. Bonyii bò nu ε ben ε shii yí yene le guute ben gene dvú yéw bonsaw e nu baa? Kε è nu bonyii bo kpwaw e le? ⁷ Kε è bvuu nu kε bó bò jemyi díew yí befe ekumε diee di Tata wvù kεnke ben e le?

⁸ Ben elooci gεεle nci Nfon wvù Nyo' wvù nu ê Nwa' we le. Nci wvun nu le, “E koonkè waa bwoo no wo koonke ekole kuw.” E ben gee nonen, tu ben gee len. ⁹ Geenεn, é ben dunji kejεy jεy no me mbe njeme wase, tu è nu kebefε ε ben gee, tu ben nu ε ngoy nci wvú ε koo ben. ¹⁰ Ben ekeè le é wee gεεle naa bonci bo Nyo'

le bocii, ε ke ε ηgoy mwaan, tu wvú nu ε ηgoy wase bocii. ¹¹ Ε fí nu nonen, njefo Nyo' wvú to gayεε le, “Fo wo ejaη kpwεε wee ke” nu ke ten wvú wvú to gayεε le, “Fo wo eyu wee ke.”

Ε wo nu σε wo nu ε jaη kpwεε wee, geenen ε yu wee, tu wo nu ε ηgoy ke nci Nyo'. ¹² Nonen, ben ejemyi bvuu geè mwεem diεwε bonyii bò Nyo' nu ke esaw bó bii nci wvú bvuuσε bonyii bvunfaw e. ¹³ Ben ekeè le Nyo' nu ke dioo saake nsaw, wvú saa ekoole shen fô wee wvú to baa koole shen fô wee mvu le ke. Geenεn, wee wvú koole shen nu wvú nu ke eboy yî nsaw e.

Fiεε fi dunçi le wee nu ε lese fitele yî Nyo' le nu gee diew di læη

¹⁴ Boom bo bwεem e, é wee ne ε no duu le wen nu ε lese fitele yî Nyo' le, ε gee diew yaa dunçi nonen ke, é fifiε ke efi wvú yî la le? Ε nulo é fitele fi wvú lese fidvu ke eboyse wvú? ¹⁵ Bó ejø le, é waa bwoo wvú diemsen kenεε wvú kpwoon ne ε no tane ndvú bô mwεem mvudien mvu εdiuw εcii, ¹⁶ ε to fô wo le, wo ε gay ê wvú le, “Nyo' elañ kembonen yî yo le é wo ekeηke ndvú bô mwεem mvudien.” Ε wo gay ke lo nonen, σε wo ε nya wvú bô mwεem mvù wvú shieele, é fifiε efi wvú yî la le? ¹⁷ Ben baa yen le le é wee duu le wen nu ε lese fitele yî Nyo' le, σε gee diew dunçi nonen, tu fitele fi wvú lese εfinεfin nu εcici?

¹⁸ Wee mvu nulo enε egay le, fi wee mvu le nu ε wvú ε lese ε è nu fitele yî Nyo' le, ε fi wee mvu

2:11 Ksm 20:13-14 **2:12** 1:25 **2:13** Mat 5:7; 7:1; 18:32-35

2:14 Mat 7:21; 1Jon 3:17 **2:15** Mat 25:35-36 **2:17** Gal 5:6, 16, 22-24; 1Jon 3:18

le nu ε wvú gee ε è nu gee di len. Me ε mum ε no ngayte le wvú edunçe no è nulo é wee elese fitele yî Nyo' le se gee diew nu len, é me ndunçe ê wvú no me nu ε nlese fitele yî Nyo' le ε è nu yî gee diem di len e. ¹⁹ E wee nu ε bee le Nyo' nu mwaan, tu è nu len. Geenεn, naa bonceendaa bo dewle le ten nu ε bee ke nonεn ε no fane, ciinke. ²⁰ Wvuwε wee nu keyun. Wvú gomte le me endunçe le é wee lese fitele yî Nyo' le se gee di jee ηkuun, tu è nu εcici? ²¹ Ke fiεε fi to gee ε Nyo' yen le Aba'am wvú icee wesebeene nu ε kocen wee we le to nu gee diew di len e? Wvú to nu ε jo waa we wvú Aysik, jike yî ketan ke ncese le keege ncese dvú fô Nyo' le. ²² Ben ε yen le le fitele fi wvú to leseε yî Nyo' le bô gee diew di len to lenε ekale kemwaan e? Gee diew di len to nu ε dunçe le fitele fi wvú to leseε yî Nyo' le to nu ε yinεn. ²³ E fi mum kocen no bó to sanεε ê Nwa' Nyo' le le,

“Aba'am to nu ε lese fitele yî Nyo' le,
nje nonεn, ε Nyo' yen le wvú nu wee wvú teyten.”

E bó mum no tenε wvú le nsaa Nyo'. ²⁴ Ben ε bvuu ε yen le le fiεε fi ké ge ε Nyo' yen le wee nu ε kocen wee we le nu gee diew di len, ε è yaa mεy ke fitele fi wvú lese yî Nyo' le maan ke?

²⁵ E nu ke lenlen no fi La'ab wvú to nu kpwoon nsake le to nu. Fiεε fi to gee ε Nyo' yen le wvú nu ε kocen wee we le to nu gee diew di len. Wvú to nu ε fiisεn bonkee bo Islael ê wvú yew, ke dunçe je yimi jεey yî bó etu jim jó. ²⁶ Fí ε no nu le, ke no keyoy

2:19 Dito 6:4; Mat 8:29; Mak 1:24 **2:21** Ken 22:1-18; Lum 4:1-5, 13-16, 19-22; Ibu 11:17 **2:23** Ken 15:6; Lum 4:3 **2:25** Yosh 6:17; Mat 1:5; Ibu 11:31 **2:26** 2:17, 20

cin'yi nyam ye le ε yí mum no nu wase fiεε fi εcici,
nu kε lεηlεη no wee lese fitele yî Nyo' le sε gee di lεη
ηkuuη tu fí nu εcici.

3

Wee eshe bô leme diew

¹ Boom bo bwεεm e, fo ben nteen egomtè keenu
bonyii bo n'yεεyi le kε. Kε ben kee ntay lε bonyii
bo n'yεεyi le nu ε wvubo nsaw nu ε bó nu ke eloocε
etasse ntay? ² Ε nu kecεεy lε beene bocii gee bojay
nteen. Geenεn, ε wee nu dvú wvù yaa ké jay
njeme kε, tu è nu wee ε wvú ε kocεn, bvuu kee tεn
keekemsεn bô ekolε kew. ³ Beene ké jo ncaw lese
εmvu jo nyambala keege lε yí eyuukè beene le. Ε
beene mum no banse nyam yidvu dvú ε yí gεne jò
beene gomte. ⁴ Ben eyεn tεn no ηguw wvu ê joo
nu. Wvú kuuke naa ntay, ε fwefwe wvù tεmyi ké
no domsee. Geenεn, ε fiεε fi wee wvù guute ηguw
banse dvú ε wvú gεne jò wvú gomte, nu kε nen
caan. ⁵ Ε nu kε lεηlεη no leme nu. Dí nu kε lo fiεε
fi caan yí wee le. Geenεn ké no jemyi mwεεm mvù
tεmyi baay.

Kε ben kee no è nulo é ηguy ekpway nen kpwayy,
ekoo, eshike ekowε kecile fokuse? ⁶ Leme nu kε tεn
diεwε ηguy e. Mwεεm mvù befe mvu fokuse fεn nu
ε tase yí leme di wee le, lamte beete bô ye wee yicii.
Leme ké fwεε ηguy ε wvú befe bô nshii wee tfuu. Ε
ηguy wvun nu ε leme joo ε è nu fô ηguy wvu baay e.
⁷ Bonyii nu ε mom wase keeyεyi dikfuu di nyám
e dicii. Bó nu ε yεεyi wase nyám yi ηkpwaante bô

mvunyiim noo nyám yì sone bô yi ê joo. ⁸ Geenɛn, kɛ wee nu naa lo dvú wvù nulo eyɛɛyi leme kɛ. Leme ké no wɛwte kɛ lo, ɛ dí ɛ yɪnsɛn bô kebefɛ ɛ è nu kè nulo eyu wee kɛ diɛwɛ ɛdien ɛ fimbuw e. ⁹ Ɛ nu leme din dì beene ké no bensee Tata wvù Icee wesebeene dvú, ɛ è bvuu nu kɛ dí dì beene ké no nan'yi bonyii dvú, ɛ bonyii ban nu ɛ è bom Nyo' ɛ bó fieesene wvú. ¹⁰ Diuw mwaan ɛ mum ɛ no bvuuuse mbense bvuu bvuuuse boncun. Boom bo bwɛɛm e, kɛ fí kɛŋke keenu nonɛn kɛ. ¹¹ Ɛ nulo é joo yì yuule bô keduuduu ebuyte diuw mwaan e? ¹² Boom bo bwɛɛm e, è nulo é fimbi eyum yì efelɛ le? Nuule ɛ è nulo é ntulun eyum yì efelɛ le? Kɛ è nulo tɛn é diuw joo lew ebvuuse joo yì jee kɛ.

Bvufee bvù nɛn'yi fowe

¹³ Ɛ nu yɛɛ ê ben ɛnte wvù duu le wen feefene bvuu kee fiɛɛ? Mwɛtɛn edunɛɛ ɛkolɛ kew yì nce we wvù jee bô gee diew di lɛŋ dì wvú gee yaa saale kɛ ye, no wee wvù feefene ké no nu. ¹⁴ Geenɛn, é wee ffuuke bô kɛŋghɛw noo ken'yɛɛ ejisɛ fô fitele le, fo wvú esaalè ye le wen feefene lo kɛ. Ɛ wvú ge nonɛn, tu wvú tune kecɛɛy. ¹⁵ Kɛ kfuu bvubwɛ bvufee yaa nu bvù fowe kɛ. Ɛ nu bvù yì nshɛ le, ɛ è nu bvù wee wvu wum e, ɛ è bvuu nu bvù dɛwle le. ¹⁶ Ben ekeè le naa fɛɛ fô bonyii kɛŋke kɛŋghɛw bô ken'yɛɛ ejisɛ, nu ɛ mwɛɛm ké no bvuuŋke kɛ lo fô. Ɛ bó no gee dikfuu di mwɛɛm mvù befe le mvunciim. ¹⁷ Geenɛn, wee wvù kɛŋke bvufee bvù nɛn'yi fowe ké no yuule, koonke nyɛkeey bvuu nu wɛɛ, nyaa tɛn

3:8 Mben 140:3; Lum 3:13; Ɛfɛ 4:29 **3:9** Kenj 1:26-27 **3:12**
 Mat 7:16 **3:13** Lum 12:16 **3:14** 1Kol 3:1-3; Gal 5:20-6:4 **3:15**
 1:5, 17 **3:17** Mat 5:48; 1Kol 13:4-7; Gal 5:22-23; Fili 1:9-11

bitem ê wee mvu, nu ε wvú ε yinşen bô shen noo gee dì jee, yaa dunji kejεy jεy ke, yaa kenke díεw fiε ke. ¹⁸ Bonyii bô gεεle nyεkeey, jewyi ηgow yì ε nu nyεkeey, ε ηgbwele no nu nce wvu teyten.

4

Keekoonke mwεem mvu yî nshε le beete bô wee Nyo'

¹ Fiε fi nen'yi no too bô waa noo bvudiuw ê ben entelen nu la? Ke ε nu shiee mwεem mvù ye yene gomte mvù ffuuke shém yene le le? ² Ben dioo shieele fiε sε ben ε kenke mum no gomte keeyu wee sε kenke. E ben ké dioo bvushu ejise yî fiε le, é fí fufe, é ben mum no waale, diuu. Fiε fi gee ε ben nu sε ben kenke mwεem mvun nu njefo ke ben ké no leke ê Nyo' ke. ³ E ben ké dioo ε cim ε leke, ben saa kenke ke, ε ε nu njefo ke ben leke bô bonkpawace bo len ke. Ben leke mwεem ε ε nu ke keege mwεem mvù ye yene gomte dvú. ⁴ Ben nu naa lo diεwe bokεε bô nu ε cinε wase bolemε bobole ε no gee ε ε nu nsake le. Ke ben kee le é wee kole nsan bô won wvun, tu wvú nu ε tu wase wee bvuban fô Nyo' le le? Nonen, ben ekeε le ε ε nu naa yεε wvù nu ε caw flew keekoo nsan bô won wvun, tu mweten nu ε tu wase wee bvuban fô Nyo' le. ⁵ E nulo é ben eghan nεε sε no kpwaake le fiε fi bó to sanεε ê Nwa' Nyo' le nu εcici? Bó to nu ε san le, “Nyo' kenke shiee, beele baay fô keyoy kè wvú to gεkεε le kí enù yî

yese beene le.” * ⁶ Nyo' fii naa beene baay. E nu fiεε fi bó sanεε ê Nwa' Nyo' le le,
 “Nyo' shiwse bonyii bò bensee bikuu bibole,
 geenεn buuke bonyii bò shiwse bikuu bibole bô nfi.”

⁷ Nonεn, ben enya bikuu binεn ê Nyo', ebon njan ben ε bo dεwle é wvú efεε lo ê ben ejim. ⁸ Ben eto nceencee mbew Nyo' le, é wvú eto tεn nceencee mbew yene le. Ben bonyii bò befe ebvuushε can fô mwεεm mvù befe le, ecukε mvuntelem mvunεn ben bò leeme mvuntelem mvunfεεm ben ε bo Nyo'. ⁹ Ben enù bô yii, beelè shiwsè misεm nεn wowwowwow. Ben elu bô dikie, ebeelè ε è nu kpwe, elu bô njon wvù ben yuuke, esoò ε è nu bikuu. ¹⁰ Ben eshike bikuu binεn ê Nyo' ejise, é wvú ecake ben we.

Fo wee elomte gee di waa bwee le kε

¹¹ Boom bo bwεεm e, fo wee ejemyi díεw yì befe ekumε waa bwee kε. E wee jemyi díεw yì befe ekumε waa bwee kenεε lomte gee di waa bwee le, tu wvú jemyi díεw yì befe ε è nu ekumε nci Nyo' bvuu lomte nci wvudvu. E wee lomte nci Nyo', tu kε wvú bεε wee wvù gεεle nci kε. Wvuwee wee nu ε tu wase wee wvù saake lo nci. † ¹² Wee wvù nyaa nci bvuu sumtene bonsaw bo bonyii le nu kε mwaan. E nu kε wvú wvù nulo eboyse kenεε elεse

* **4:5** Kenεε le “Keyoy ke Yuule kè Nyo' to nyae ê beene kenke shiee, beele baay le beene eleemè kε beene ε bo Nyo'.” **4:6** 4:10; Bnɔn 3:34; Mat 23:12; 1Bi 5:5 **4:7** Efε 6:12; 1Bi 5:8-9 **4:8** Mben 18:20, 24; Yesa 1:16; Saka 1:2-3; Mala 3:6-7 **4:9** Luk 6:25 **4:10** 4:6; 1Bi 5:6 **4:11** Mben 101:5; 1Bi 2:1 † **4:11** Nci wvun nu le, “E koonkè waa bwoo no wo koonke ekolε kuw”. E è bvuu nu kε wvù wvù Jem gayte le wvù boysee bonyii. **4:12** Lum 14:4; 1Kol 4:5

wee. Wo ε no nu yεε wvù lomte gee di waa bwoo le?

Fo ben esaalè ye ke

¹³ Ben eyeke eyuw, ben bò nen'yi no duu le, “Eben kenεε ntfuu nu ε bese nu egeen kin kelaante le kenεε keki le, ece jó yî kelum e, ekamεm way, ekeηke sεw.” ¹⁴ Ben ké dioo jemyi nonεn no kee fiεε fi nu ebuy ekooy ntfuu le? Ben kee fiεε fi è nu nshii wene? Nshii wene nu diεwε kekfu kè bó yene kí le, moocε caan ε kí ε la wase. ¹⁵ Fiεε fi ben bee ejemyi nu le, “E Nyo' fεn nu ε bee le bese enù dvú, é bese ke ege fin fiεε ebvuu ege fifi.” ¹⁶ Geenεn, ben nen'yi finεn kaa no saale lo ye, kfune gvuw. Ben ekeè le keesaale ye nonεn nu kebefe. ¹⁷ Nonεn, é wee kee fiεε fi leη fi wvú keηke keege, ε fanε yaa ege, tu wvú nu ε ge kebefe.

5

Bonyii bo kpawaw e eyenè

¹ Bonyii bo kpawaw e, ben eyeke eyuw fiεε fi me njemyi. Ben ebeelè, fuunke kpwe nje ηgew wvù nu ke eto fô ben e. ² Kpwaw wene nu ε fo wase, shéw ε kan ndvú yene. ³ Mwεεm mvunεn mvu bigew e nu ε duwse wase. Nduwse wvun nu ke eduηce nce wene ken'yεε ejise, ebvuu edie ye yene diεwε ηguy e. Eyan nu wase ediuw yo fokemεse, ε ben baanci ke ε è nu kpawaw. ⁴ Ben etaa eyen, ben nu ε

4:13 Bηgn 27:1; Luk 12:18-20

4:14 Job 7:9-10; Mben 39:5-6

4:15 Lem 18:21; Lum 1:10; 1Kol 4:19; 16:7

4:16 1Tim 6:17;

1Jon 2:16

4:17 Luk 12:47

5:1

Bηgn 15:6; Yεsa 5:8-10; Amo

6:3-7

5:1 1:10; Luk 6:24

5:2 Mat 6:19-20

5:4 Ksm 3:7;

Lεw 19:13; Yeli 22:13; Mala 3:5

lεε bonyii bò lemte ηεε yene. Bó nu ε gbwele wase mwεεm mvunen ben ε fan keelaw bó, bó ε no beele. Bó nu ε bee wase Tata Nyo' wvù keηke Mvunḡay Mvunciim ε yuw kpwe yibo. ⁵ Ben nu ε ce wase fokuse fεn ε die bikuu binen no ye yene shieele. Ben nu ε dieken wase ε fanḡken diεwε binson bi nyám e bì cεyte diuu di bó nu ke esane le. ⁶ Ben nu ε bon bikaa ê bonyii εjim bó ε ley ηḡew e. Ben ε yuwyε bonyii se bó nu ε jay fiεε ηkuuη, ε è nu bonyii bò nulo saa ebon ηan ben ε bó kε.

Bonyii bo Nyo' le enù nyεkeey

⁷ Boom bo bwεεm e, fí mum è no nu lε ben enù kε nyεkeey eḡen ebuy seke Tata nu ke ekase eto. Ben etaa eyen no bonyii bò lemte ηεε ké no nu nyεkeey ḡen buy seke bó ké gbwele ηḡu yì jee ηεε yibole. Bó ké cεy ε jan ghan gbwe ε bó jewe mwεεm, ké cεy ε mvú ghan be. ⁸ Ben ten enù kε nyεkeey nonen. Ben eleemè kε temyi njefo kefew kè Tata Jisos nu ke eto nu wase nceencee.

⁹ Boom bo bwεεm e, fo wee ewvukenè waa bwεε kε. Wee wvù wvukene waa bwεε nu ke ekeηke nsaw. Wee wvù nu ke esumtene bonsaw nu wase ê yew fwese. ¹⁰ Boom bo bwεεm e, ben ejo kenfewsεn fô bonyii bo ntum e bo Nyo' le bò to ké no jemyi ê bonyii ê diee di Nyo' le. Bó to yene bonḡew, nu kε nyεkeey. ¹¹ Beene nu ε yεn lε bonyii bocii bò to nu ε kuu shém ḡen mεse nu ε Nyo' ε lan kembonen yì bó le. Ben nu ε yuw wase ekumε Job no wvù to kulεε shém ḡen mεse, ε bvuu ε yuw ten no

5:5 Yeli 12:3; 25:34 **5:7** Jue 2:23; 2Bi 3:3 **5:8** Lum 13:11-12;
 1Tes 5:5-8; Ibu 10:25, 37 **5:9** Mat 7:1-2 **5:10** Mat 5:12; Ibu
 11:32-38 **5:11** 1:12; Ksm 34:6; Job 1:21-22; 2:10; 42:10-17

Tata Nyo' to ghanεε banke ηγεω we ε è tu bvujonke. Tata to ge nonεn, njefo wvú camte shen bô bonyii, koole yii fô bó le.

¹² Boom bo bwεεm e, fiεε fi fele mwεεm mvunciim nu le, fo wee ke dioo jemyi fiεε kan naa lo ke. Kenεε wvú kane ε è nu won Nyo', kenεε wvú kane nshε, kenεε è nu fiεε diee la. E wee benje fiεε le, “Eε”, ε è no nu no fí nu. Wvú ε tun le, “Aay”, ε è no nu no fí nu. E ben gee nonεn, Nyo' saa ke ebvuu elese wee ηγεω e ke.

Bunle bô mbee fii lo

¹³ E wee mvu ben e yεne ηγεω, é wvú no bunleè. Wee é no yuuke njon, é wvú no yemtè bensee Nyo'.

¹⁴ E wee mvu ben e cεmte lo, é wvú tee bocee kentaashε ke bonyii bo mbee le, ε bó to bunle é wvú we, yefe wvú bô mεεm é diee di Tata le, ¹⁵ é bunle yidvu yì bó bunlee ε bó ε lese fitele yî Tata le, efi wvú é wvú ebonεn, é Nyo' ecake wvú we. E è fεn nu ε wee wvudvu ε ge kebefε, é Nyo' elεeshε enya é wvú. ¹⁶ Nonεn, fí è no nu le, é wee ge fiεε fi befe, é wvú see é waa bwee, é wee ebunle fô wee noo wee le, wvu le Nyo' efε ben. Bunle wee wvu teyteny kenke mvun gay baay gee mwεεm nteen.

¹⁷ Ben ejo kenfewsεn yî Elayja le. Wvú to nu ke wee wvu wum diεwε beene le. E wvú ke bunle shiee le le fo jan egbwe yî nshε le ke. E jan mεy ke we nonεn yî bilum e bitεte bô ken gawtεn. ¹⁸ E wvú ke nε kase bunle, ε Nyo' shike jan, ε mwεεm kase no kuu yî nshε le.

5:12 Mat 5:34-37 **5:13** 1:5-6; Lem 16:25 **5:14** Mak 6:13

5:15 Mat 9:2; Mak 16:18 **5:16** Mben 32:3-5; 38:4-6; Bnqn 28:13; 1Jon 1:8-9 **5:17** 1Bfn 17:1 **5:18** 1Bfn 18:42-45

¹⁹ Boom bo bwεεm e, é wee mvu ben e nε ε cinε je kecεεy e ε no bvuyte lo, wee mvu ε jo wvú ε tu bô wvú jim, ²⁰ ε wee wvù tu bô wvú jim wε no kee le é wee banke wee wvù gee mwεεm mvù befe, wvú ε cinε jé ye yi εcici le, tu wvú nu ε bvuse mwεten diuw kpwe le, Nyo' ε lεεshe bibefe biew bì nu ε bí ε mâ lo.

Nwa' Nyo' Mon^{kan} mo Monfem
New Testament in Noone (CM:nhu:Noone)

copyright © 2011 Wycliffe Bible Translators, Inc.

Language: Noone

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Noone

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
5b12a3f8-7a2a-5b6f-b1da-1bf94b13fc2e